
ТОКИО-2020 ЁЗГИ ПАРАЛИМПИА УЙИНЛАРИДА ИШТИРОК ЭТУВЧИ ЎЗБЕКИСТОН ТУМАНИЛИК СПОРТЧИ МУНОСИБ КУТИБ ОЛИНДИ

Аввал хабар берилганидек, 22-23 май кунлари Иорданиянинг Амман шаҳрида пара таэквондо бўйича Токио-2020 ёзги Паралимпия ўйинларига тўғридан-тўғри лицензия берувчи Осиё мусобақаси бўлиб ўтди.

Ушбу нуфузли мусобақада иштирок этган Ўзбекистон туманилик Зиёдахон Исоқова аёллар ўртасида 49 кг вазн тоифасида ғолибликни қўлга киритиб, олтин медалга сазовор бўлди ва Токио-2020 ёзги Паралимпия ўйинларига тўғридан тўғри лицензияни қўлга киритди.

Иорданиядаги мусобақадан сўнг Ўзбекистон Миллий Паралимпия терма жамоаси таркибида Оқтошда кечган тайёргарлик босқичларида иштирок этган Зиёдахон бугун ўзи туғилиб ўсган туманига қайтиб келди ва туман ҳокимлигида тантанали равишда кутиб олинди.

Тантанали маросимда туман ҳокими ўринбосарлари, давлат ва жамоат ташкилотлари вакиллари, спортчининг устоз-мураббийлари, тенгдошлари, туман болалар ва ўсмирлар спорт мактаби мураббийлари, маҳаллалар фаоллари ва кенг жамоатчилик вакиллари иштирок этди.

Тадбирда сўз олган туман ҳокими ўринбосарлари, туман ИИБ бошлиғи, Миллий олимпия қўмитасининг Фарҳона вилояти вакили спортчи қизнинг эришган ютуқларини эътироф этиб, ушбу зафар билан қутлашди. Юксак матонат эгасига Токио Паралимпия ўйинларидаги иштирокида ҳам муваффақият ва юртимизга олтин медал билан қайтишини тиладилар.

Спортчи Зиёдахон Исоқова билан биргаликда унинг онаси, бувиси, биринчи устози ҳамда у туғилиб ўсган Қулибек маҳалласи фаоллари ҳам тадбир доирасида ўз дил изҳорларини билдиришди.

Маросим сўнггида Зиёдахон Исоқовага туман ҳокимининг эсдалик совғалари тантанали тарзда топширилди.

Маълумот ўрнида, “Токио-2020” Олимпия ўйинлари жорий йил 23 июлдан 8 августгача, Паралимпия ўйинлари эса 24 августдан 5 сентябргача бўлиб ўтиши мўлжалланган.

Ўзбекистон тумани ҳокимлиги

[Бизни ижтимоий тармоқларда кузатинг Facebook,](#)
2021-06-17 17:10:39